

ԱՐՁԱՆԱԳՐՈՒԹՅՈՒՆ

Երեվանի Պետական Չամալսարանի ֆիզիկայի ֆակուլտետի Խորհրդի
22.06. 2011թ. կայացած թիվ 9.10-11 նիստի
Նիստին ներկա էին Խորհրդի 40 անդամներից 24 –ը:

Հաստատվեց նիստի օրակարգը՝

1. Շնորհավորանքներ՝ բարձրագույն մաթեմատիկայի ամբիոնի դոցենտ Ա.Ա. Կիտբալյանի 75-ամյա հոբելյանի կապակցությամբ
2. Առակա ուսուցմամբ ասպիրանտների ատեստավորում
3. Ընթացիկ հարցեր

Հոբելյանի կապակցությամբ պրն Ա.Ա. Կիտբալյանին շնորհավորեցին ֆակուլտետի դեկան Ռ. Ավագյանը, բարձրագույն մաթեմատիկայի ամբիոնի վարիչ Ս. Գրիգորյանը, ակադեմիկոս Յ. Ներսիսյանը: Ելույթներ ունեցան նաև Է. Չուբարյանը, Ժ. Խաչատրյանը և Դ. Սեդրակյանը: Նրանք ներկայացրեցին Կիտբալյանին որպես ազնվագույն մարդ և դասախոս, որը վայելում է գործընկերների և ուսանողների սերն ու հարգանքը:

Ասպիրանտների ատեստավորում

Ամբիոնների կողմից ներկայացվեց ասպիրանտական աշխատանքների ընթացքը: Ելույթներ ունեցան Ա. Կիրակոսյանը, Վ. Մորազովը, Ռ. Հակոբյանը, Ա.Դանագուլյանը: Քննարկվեց ասպիրանտների մանկավարժական պրակտիկայի կրեդիտների հարցը: Պրն Լ. Ասլանյանը նորից բարձրացրեց կրեդիտային համակարգը ասպիրանտների նկատմամբ կիրառելու նպատակահարմարության հարցը: Այս հարցում նրան պաշտպանեցին Ա. Կիրակոսյանը և Դ. Սեդրակյանը. նրանք առաջարկեցին հարցը նախապատրաստել և Խորհրդի համապատասխան որոշում կայացնել:

Որոշեցին – հիմք ընդունելով կատարված հետազոտական աշխատանքների ծավալը և ամբիոնների դրական եզրակացությունները՝ ատեստավորել ասպիրանտներին:

Ընթացիկ հարցերում մրցութային հանձնաժողովի նախագահ, պրոֆ. Ա. Ա. Կիրակոսյանը ներկայացրեց մրցութային հանձնաժողովի դրական եզրակացությունը պինդ մարմնի ֆիզիկայի ամբիոնի ասիստենտ, ամբիոնի գիտահետազոտական լաբորատորիայի ավագ գիտաշխատող, ֆիզ. մաթ. գիտ. դոկտոր Սամվել Գևորգյանին պրոֆեսորի կոչման և բարձրագույն մաթեմատիկայի ամբիոնի ասիստենտ, ֆիզ. մաթ. գիտ. թեկնածու Արծրուն Սարգսյանին դոցենտի կոչումներ շնորհելու հարցերի վերաբերյալ: Նշեց, որ հավակնորդների գիտամանկավարժական գործունեությունը բավարարում է ՀՀ ԲՈՅ-ի կողմից առաջադրվող պահանջներին:

Որոշեցին – 1) Հիմք ընդունել մրցութային հանձնաժողովի կարծիքը Ս. Գևորգյանի գիտամանկավարժական գործունեության մասին՝ երաշխավորել ֆիզ.-մաթ. գիտությունների դոկտոր Սամվել Գևորգյանին պրոֆեսորի կոչման ներկայացնելու համար:

2) Հիմք ընդունել մրցույթային հանձնաժողովի կարծիքը Ա. Սարգսյանի գիտամանկավարժական գործունեության մասին՝ երաշխավորել ֆիզ.-մաթ. գիտությունների թեկնածու Արծրուն Սարգսյանին դոցենտի կոչման ներկայացնելու համար:

Ֆիզիկայի ֆակուլտետի դեկան

Ռ. Մ. Ավագյան

Խորհրդի քարտուղար

Ի.Գ. Հարությունյան